



## ONREËLMATIGHEDE MET DIE SKRYF VAN EKSAMENS

**1. Indien 'n toesighouer tydens 'n eksamen 'n kandidaat betrap wat besig is met 'n oneerlike daad, soos genoem hieronder, moet die stappe soos genoem in punt 2, onmiddellik gedoen word.**

- besit van onwettige notas,
- die verspreiding daarvan,
- afskrywery, en
- die gebruik van onwettige elektroniese apparate.

**2. Stappe tydens onreëlmatigheid:**

### **STAP 1:**

Verwyder onmiddellik die kandidaat se eksamenboek (skrif).

### **STAP 2:**

Trek 'n streep onder die laaste punt van skrywe op die antwoordstel.

### **STAP 3:**

Skryf die presiese datum en tyd waarop die antwoordstel verwyder is duidelik op die voorblad daarvan.

### **STAP 4:**

Gee 'n nuwe eksamenboek aan die kandidaat en gee hom geleentheid om met die skryf van die vraestel voort te gaan. Dit is sy/haar keuse om voort te gaan van waar hy/sy opgehou skryf het en of hy/sy van voor af wil begin.

### **STAP 5:**

Voltooi 'n onreëlmatigheidsverslag en heg dit aan beide eksamenboeke.

**3. Stappe na die eksamensessie:**

### **STAP 1:**

Die hooftoesighouer lig die kandidaat in van verdere prosesse wat gevolg sal word in terme van die ondersoek na die beweerde onreëlmatigheid.

### **STAP 2:**

Die kandidaat kry geleentheid om 'n verklaring te skryf, in die teenwoordigheid van ander getuies, om sodoende te reageer op die beweerde onreëlmatigheid.

### **STAP 3:**

Die hooftoesighouer skryf 'n volledige verslag oor die beweerde onreëlmatigheid.

**STAP 4:**

Die verslag word in die kluis bewaar en 'n kopie daarvan na die Dept. van Onderwys gestuur.

**STAP 5:**

Insident word aangeteken in die daaglikse Onreëlmatigheidsregister.

**SELFONE EN ANDER ELEKTRONIESE APPARAAT:**

**Indien 'n kandidaat met 'n selfoon of enige ander onwettige elektroniese apparaat in sy besit betrap word, neem die volgende stappe:**

**STAP 1:**

Konfiskeer onmiddellik die apparaat, sonder dat die kandidaat enigsens tyd gegun word om enige inkriminerende materiaal te verwyder (delete).

**STAP 2:**

Die apparaat word gerekordeer as deel van die onreëlmatigheidsmateriaal.

**STAP 3:**

Oorhandig die apparaat oor aan die Provinsiale Onreëlmatigheid se werkgroep.

ooo0000ooo